



Broj: 14-11-1347/22  
Vogošća, 15.08.2022. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj 27/14-Prečišćeni tekst, 14/15 i 9/20), Općinski načelnik dana 15.08.2022. godine donio je

**ODLUKU  
O IZBORU NAJPOVOLJNIJEG PONUĐAČA ZA PRUŽANJE USLUGE FIZIČKE ZAŠTITE  
RADNIKA I IMOVINE NA LOKACIJI CENTRA ZA KOMUNALNE USLUGE VOGOŠĆA**

**Član 1.**

Ponuda ponuđača Agencija za zaštitu ljudi i imovine "Fenix security" d.o.o. Sarajevo, ulica Vilsonovo šetalište broj 10. Sarajevo, odabrana je za pružanje usluge fizičke zaštite radnika i imovine na lokaciji Centra za komunalne usluge Vogošća, kao prvoplasirana na Rang listi, sa ponuđenom ukupnom cijenom nabavke u iznosu od 12.985,46 KM bez uračunatog PDV-a, odnosno 15.192,98 KM sa uračunatim PDV-om.

**Član 2.**

Odluka o izboru najpovoljnijeg ponuđača će biti objavljena na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

**OBRAZLOŽENJE**

Općinski načelnik je dana 26.07.2022. godine donio Odluku o pokretanju Otvorenog postupka nabavke usluge fizičke zaštite radnika i imovine na lokaciji Centra za komunalne usluge Vogošća, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 26.07.2022. godine pod brojem: 1353-1-2-122-3-131/22. Sažetak Obavještenja o nabavci objavljen je u "Službenom glasniku BiH" broj: 50/22 od 29.07.2022. godine.

Tendersku dokumentaciju sa Portala javnih nabavki BiH je preuzelo 7 (sedam) ponuđača. Krajnji rok za dostavu ponuda bio je 10.08.2022. godine do 16:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 10.08.2022. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 14-11-1347/22 iz jula 2022. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da su zaprimljene 2 (dvije) ponude i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	Agencija za zaštitu ljudi i imovine "Fenix Security" d.o.o. Sarajevo	14.976,00	/	/	17.521,92
2	Agencija za zaštitu ljudi i imovine "Sword security" d.o.o. Sarajevo	19.474,00	/	/	22.784,58

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila da Ponude ponuđača:

- Agencija za zaštitu ljudi i imovine "Fenix Security" d.o.o. Sarajevo i
- Agencija za zaštitu ljudi i imovine "Sword security" d.o.o. Sarajevo

ispunjavaju formalno-pravne uslove, odnosno zahtjeve ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela Ponuda ponuđača koji ispunjavaju formalno-pravne uslove, odnosno zahtjeve ugovornog organa tražene Tenderskom dokumentacijom, te je izvršena računska provjera dostavljenih ponuda i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Tenderskom dokumentacijom-tačkom 9.4. (ispravka računskih grešaka i E-aukcija), a u skladu sa Pravilnikom o uslovima i načinu korištenja E-aukcije ("Službeni glasnik BiH" broj: 66/16) predviđen je postupak E-aukcije, koji uključuje podnošenje novih cijena, izmijenjenih naniže, ili cijena i novih (poboljšanih) vrijednosti koje se odnose na određene elemente ponuda, a odvija se nakon početne ocjene ponuda i omogućava njihovo rangiranje pomoću automatskih metoda ocjenjivanja u informacionom sistemu E-nabavke.

E-aukcija je bila zakazana za 15.08.2022. godine u 10:00 sati.

Nakon provedenog postupka E-aukcije i po završetku iste, a u skladu sa Izvještajem o toku i završetku E-aukcije od 15.08.2022. godine, Komisija za javne nabavke je sačinila sljedeću Rang listu u Otvorenom postupku nabavke usluge fizičke zaštite radnika i imovine na lokaciji Centra za komunalne usluge Vogošća kako slijedi:

R.B.	NAZIV PONUĐAČA	UKUPNA CIJENA (KM) bez PDV-a	UKUPNA CIJENA (KM) sa PDV-om
1	Agencija za zaštitu ljudi i imovine "Fenix Security" d.o.o. Sarajevo	12.985,46	15.192,98
2	Agencija za zaštitu ljudi i imovine "Sword Security" d.o.o. Sarajevo	13.000,43	15.210,50

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14), Komisija za javne nabavke jednoglasno daje preporuku Općinskom načelniku da donese Odluku o izboru najpovoljnijeg ponuđača Agencija za zaštitu ljudi i imovine "Fenix security" d.o.o. Sarajevo, za pružanje usluge fizičke zaštite radnika i imovine na lokaciji Centra za komunalne usluge Vogošća, kao prvoplasiranom na Rang listi, sa ponuđenom ukupnom cijenom nabavke u iznosu od 12.985,46 KM bez uračunatog PDV-a, odnosno 15.192,98 KM sa uračunatim PDV-om.

**Pouka o pravnom lijeku:** Ponuđači koji su učestvovali u postupku nabavke mogu radi zaštite svojih prava, u roku od deset dana od prijema Odluke o izboru najpovoljnije ponude za pružanje usluge fizičke zaštite radnika i imovine na lokaciji Centra za komunalne usluge Vogošća, izjaviti žalbu. Žalba se podnosi Uredu/kancelariji za razmatranje žalbi BiH – ul. Vukovarska 10/1 Mostar, putem ugovornog organa.

**Izradila:** Mahira Čolić

**Kontrolisala:** Melisa Kršo

**Dostavljeno:**

1. Agencija za zaštitu ljudi i imovine "Fenix Security" d.o.o. Sarajevo
2. Agencije za zaštitu ljudi i imovine "Sword security" d.o.o. Sarajevo
3. Nadležnoj Službi
4. U dosije
5. a/a

033/498-377

033/664-483

OPĆINSKI NAČELNIK

Edin Smarić